



MOONZHAG GA'INA'MOONG MIIKANA AGOOKIING ANISHINAABE DAZHIKEWINING

Bi'dagwiin gaa'wii tazhinjigaadeg Agookiing Anishinaabe Dazhiikewin Miikanaakewi Inamochigewin Anokiiwin #3 Niswaa Enimaadanokaadeg: Akiwi Naanagajichigewin gaye Ge'doojigemagak Anokiiwin

Agookiing Anishinaabe Dazhiikewin (MFFN) miikanaakewi inamochigewi anokiiwin gaa'anokaadamowaad oga ozhisi'doonawaa nitam ma'wandoo'bi'iwewin bigo wenenag ji'gikendamo'indwaa Ontario ogima gaa'wii pagi'dinang akiwi naanagajichigewin (EA) gaye federal ogima ge'dooji'gemagak anokiiwin ge'dazhindeg (IS) gaa'ani bimi anokekaadegin. Bi'dagwiin gegiin ji'bi andawi gikendaman gaawii wawiindamaaganiwang gii'pimi anokaadegin ando'gikenjigewinan (IA) o'owe megwaa. Gaye gichiinendagwan dawishkamaagwin ji'biwiindaman gaa'inedaman gaye gaagichiinendaman o'omaa ineke gaa'anokaadeg miikanaakewin.


Gaa'anokaadeg

Giiwedining Ontario noopiming dagwan Agookiing Anishinaabe Dazhiikewin (MFFN), ineke Albany gaye Ogoki ziihiwan, goji bigo 170 km diba'akan giiwedining waabanong izhi Nakina, Ontario.

Bibooni miikanaang inamon Agooking zhaagooch gaawin nepich ji'gii abadak gaye zanagan ji'onji bimiwijigaadegin gegoonan gaye ji'onji bimi'yaaniwang. Andawendaagwan idash ji'onishing miikana nepich ji'onji bimiyaawagewaad gaye ji'anikemochigaadeg gichi odaabani miikanang i'imaag Agookiing gaye ji'onji wii'dookaagowaad o'dazhiikewiniwaang. O'owe EA/IA inwaade ji'onji nisidawinigaadegin aaniin ge'doojigemagakin gaye gezhi'wiidookigemagakin gaa'wii inamochigaadeg dazhiikewining.

Aaniin eni'apiitanokaadeg

Agookiing Anishinaabe Dazhiikewin ogwayanjitooon baabikish akiwi nanaagajichigewini (EA/IS) gaa'wii inamochigaadeg dazhiikewining. Megwaa apii October 8, 2021, wa'a akii'wigimaa gaa'niigaaniziikandang, akiwi ganawenjigewin (MECP) o'gii'odaapinaan ji'aabadak anokiiwi ganawabanjigewin (ToR) gaa'gii mamiino'bi'i'igaadegin gaye MFFN oga'bagidinaan o'mazina'igan gezhi maadanokaadeg EA megwaa October 29, 2021. O'owe ToR inaabadan ji'biminizha'igaadeg ge'niizhi gwahyanji'chigaadeg anokiiwin gaye geniizhi giuwe naagadawaabanjigaadeg EA ge'niinanokaadeg anokiiwin, o'owe dash anokiiwin aazha i'imaag EA apiitanokaade Ontario ogimaa gaa'izhi babaamizid. Aawe federal ogimaa ogii pagidinaan wiindamagewini ji'madanokaadeg IA megwaa February 24, 2020 megwaa noongom anokaade aniin ge'doojigemagak anokiiwin dibaajimowin. Mii'owe nitam ge'waa'wiinjigaadeg bigo wenenag ji'wiindamawindwaa apii gaagii ishkwaaw odaapinigaadegiban ToR ge'onji dago aabadakin akiwi naagaji'chigewi anokiiwinan dago gaye ini EA gaye IA.





MOONZHAG GA'INA'MOONG MIKANA AGOOKIING ANISHINAABE DAZHIKEWINING

Gaa'wiipagidinigaadegin wiindamaagewinan

Ginandomigoo jibi'andogikendaman gaye jibiwiindaman gegoon wii'ikidoyan:

- ➔ Weshkaj gaagii'piizhinaagwak dazhiikewining omiikanaam gaye aaniin noongom ezhinaagwanig omiikanaam akonaag gii'onatenig ToR gaye noongomiike mazinaatesijiganing gaagii onji maa'waaji'idiwaad;
- ➔ Anishinaabeg gaye ogimaawi ashodamagewinan gaye gaa'gichiinendaagwakin;
- ➔ EA/IA Anishinaabe gikendamaawi anokiiwin gaye dazhiikewining anokiiwin;
- ➔ Akiwi naagajichigewin gaani apiitanokaadegin, gaadazhi naagajichigaaniwang gaye geniizhi anokiinaaniwang, dago anokiiwin geniinanokaadegin gaye gaani giizhanokaadegin;
- ➔ Wenen geganoonind aandi gaawitazhi maawaji'iwenaniwang;
- ➔ Aaniin etoodamaang gawii'naagajichigaadeg gedoojigemagak anokiiwin gaye bakaan meskwaj onaabanjigewin; gaye
- ➔ Nitam gaagiizhinaagwakin naagadwabanjigewinan, gaye wiindamaagewinan ge'an naagajichigaadegin.

Gaa'wawiindamaagewaad da'ayaawag ji'waawiindamaagewaad, oga'ayaanaawaa akiwi mazina'iganan, gaagiizhi naandawi gigenjigaaniwang, dago Anishinaabe gikendamaawinan wiindamaagewinan gaye dazhiikewining anokiiwinan, gaye wenenag odikidowiniwaa mooshkine'bi'iganan. Anokiiwining gaawiji'iwewaad da'ayawag ji'nakwetoowaad gagwedwewinan gaye oga'odaapinanaawaa ikidowinan.

Giishpin izhiseg jigii'izhaasiwan, gagiiwaabandaan wiindamagewinan maamakaadaapikong (www.martenfallsaccessroad.ca). Ge'dazhi maawaji'idinaniwang ayaamagan ji'giipiindigewaad ga'ditibisenig desabiwini ga'abajitoowaad, bigiigidon giishpin andawendaman godag bakaan gegii onjiwendak ji'giipiindigeyan mawaji'iwewining.

Geganoonind

Wiikikendaman EA/IA aaniin eni'apiitanokaadeg o'owe anokiiwin, inaabin o'omaa mamakaadabikong <https://www.martenfallsaccessroad.ca>

Giishpin gii'piizhaasiwan maawaji'iwewining, gemaa gegoon ewii wiindamaageyan gemaa wii'kagwedweyan gegoon onji anokiiwin, bizaan igo gagii kanonaa anokiiwining ga'babamizid bigo apii o'oma 1-800-764-9114 gemaa info@martenfallsaccessroad.ca

Aanapii gaye Aandi?

Oshkigiizhigaag, June 27, 2022
Victoria Inn Hotel and Convention Centre

Room: Regency A
555 Arthur Street West
Thunder Bay, Ontario
5:00* – 8:00 p.m. onaakoshing

*Anishinaabe dazhiikewining gaa'onjiwaad gi'nandomigoom 5:00 onaagoshing miinawaa igi bigo wenenag andomaawag 6:00 onaagoshing.

Aabitawiseg, June 29, 2022
Geraldton Community Centre

200 Wardrope Avenue
Geraldton, Ontario
4:00* – 7:00 p.m. onaagoshing

*Anishinaabe dazhiikewining gaa'onjiwaad gi'nandomigoom 4:00 onaagoshing miinawaa igi bigo wenenag andomaawag 5:00 onaagoshing.

Bangii miichim
da'ashangenenaaniwan.

Miigwech gaabiwiji'iwewan.

Dibinawe dibaajimigoowinan gaabagidinigaadegin (daabishkoo wiizowinan, gaa'izhidaaj gaye ogiigidowi agindaason) odaapinigaadewan, ganawenjigaadewan, gaye bagidinigaadewan gaa'inaakonigej akiwi nanaandawi gikenjigewi onaakonigewin gaye odenaang gaa'bagidinigaadeg wiindamaagewin gaye gaaganawendaagwak dibaajimigoowin onaakonigan jiinaabadakin ji'bayatenaagochigaaniwang gaye waawiindamaadiwining ineke. Gi'dibaajimigoowin gaa'bagidinaman da'izhi achigaadewan ji'wabanjigaadegin giishpin eta ikidoyan egaa jiwabanda'iwenaaniwang gi'dibinawe dibaajimigoowinan.